

Քութայիս, 14 հոկտեմբերի

Նրէկ հայ տառերի գիւտի և տպագրութեան յօբելեանի առիթով տեղիս հայոց եկեղեցում կայացաւ հանդիսաւոր պատարայ և մաղթանք: Ապա դպրոցի դահլիճում տեղի ունեցաւ դրական առաւօտ:

Դպրոցի ահագին դահլիճը լցված էր երկսեռ բազմութեամբ: Հանդէսը բացվեց «Մեր հայրենիք» երգով, ապա աւուսուցիչ Գրիգորեանը դրուատեց օրվայ նշանակութիւնը և Սահակի ու Մեսրոպի երախտիքը հայկական քաղաքակրթութեան և կուլտու-

\*) Խօսված յիշեալ ճառերից մի քանի ուշադրանքը այս կրնձայինք «Մշակի» վաղվայ համարում: Խճբ.

րական առաջադիմութեան վրա: Երկու մա-  
նուկներ արտասանեցին ոտանաւորներ, իսկ  
վերջում դպրոցի հոգաբարձու Մ. Զանո-  
յեան, օրվայ պատշաճ, վրացերէն մի հա-  
կիրճ բանախօսութիւն արեց, որ լաւ ազ-  
դեցութիւն գործեց հանդիսականների վրա:

Մէջ ընդ մէջ երգում էր երգեցիկ խում-  
բը, որը նախօրօք պատրաստել էր Երուանդ  
քահանան և ղեկավարում էր ինքը: Մո-  
ռացանք յիշել, որ պատարագի միջոցին  
մի ազգու քարոզ խօսեց տէր-հայրու ժամը  
Յ-ին ժողովուրդը ցրվեց լաւ տպաւորու-  
թեան տակ:

Տէր-հօր ջանքերով մի փոքրիկ գումար է  
հաւաքված ազգային դպրոցական ֆօնդի  
համար:

Ս. Նազարեան

||

Աստրախան, 9 հոկտ.

Աստրախանի Հայ-Գրական Ընկերութիւնը  
պատրաստվում է հայ գրերի գիւտի 1500-  
ամեակի և հայ տպագրութեան 400-ամեակի  
միացեալ տօնի առիթով մի մեծ երեկոյթ  
տալու համար:

Մի շաբաթից աւել է, ինչ երկու նկա-  
րիչներ ձեռնարկել են նկարելու տօնին յա-  
տուկ մեծագիր զանազան պատկերներ:  
Նրանցից պատրաստները առայժմ ս. Մես-  
րոպի, ս. Սահակի և Անիի կիսաւեր պա-  
րիսպի և մի քանի եկեղեցիների պատկեր-  
ներն են: Մի քանի նկարներն էլ վերցված  
են զանազան գրքերից և ամսագրերից: Բո-  
լոր նկարված պատկերները պէտք է վաճա-  
ռի հանվեն, և ստացված արդիւնքը յատ-  
կացվի դպրոցական ֆօնդին:

Երեկոյթը կը բանայ Գրական Ընկ. վար-  
չութեան նախագահ Ռ. Աստուածատրեանը,  
ապա տեղի կունենայ Գ. ք. Մկրտումեանի  
րեֆերատը տառերի գիւտի 1500-ամեակի  
և հայ տպագրութեան սկզբից մինչև ներ-  
կայ օրերիս պատմութիւնը:

Վերոյիշեալ մեծագիր պատկերների  
թւումն է Գր. Զանշեանի «Братская Помощь»  
գրքի շապկի վրայի նկարից վերցված պատ-  
կերը: Հայաստանի հարիւրաւոր գիւղերի  
թշուառ բնակիչների նմուշն է այդ պատ-  
կերը: Նա ներկայացնում է մի մշեցի  
կնոջ՝ իր երկու կիսամերկ երեխաներով և  
ուրիշ ոչինչ:

Վ. Վարդանեան